

反對派唱衰完屋企 又話要「赴美救港」

香港文匯報訊(記者 鄭治祖)香港各反對派政黨配合反華勢力,輪流到美國唱衰香港,聲稱香港言論及結社自由已「失」,以致「一國兩制」已「名存實亡」等等,美國在挑起貿易戰後,即根據香港反對派提供的彈藥,提出要取消香港特區獨立關稅區的建議,作為牽制中國的籌碼。在引起社會批評後,他們近日就再轉流到美國,聲稱要向美國「爭取」維持香港的獨立關稅區。建制派立法會議員昨日批評,反對派假惺惺地「為民請命」,是在做齊「黑白臉」,撈取自己的政治本錢。

聲稱游說維持關稅地位

「專業議政」召集人、公民黨立法會議員郭榮鏗將於下月7日至17日「應邀」訪問美國。他昨日稱,時值中美貿易戰,而美中經濟與安全審議委員會已建議美國商務部考慮,將中國內地和香港視為同一個關稅區,自己「剛好」獲邀到美國,可借此機會游說美國各界維持香港作為獨立關稅區的一個適時和難得的機會。

他並稱,希望此行有助「香港」與美國建立一個建設性對話的渠道,避免雙方發生誤解,及確保「美國與香港」的關係能保持良好和不斷發展。

民主黨立法會議員涂謹申亦將於下月4日至10日出訪美國。他稱,此行是「應邀」出席美國國會情報安全論壇(the Parliamentary Intelligence Security Forum),討論反恐、反洗黑錢及網絡安全等議題。

他稱,自己在華盛頓D.C.期間,將會與美國的政要及學者,包括國務院不

同部門的官員,參、眾兩院人士,大學學者,及美中經濟與安全審議委員會(US-China Economic and Security Commission)的正、副主席和委員會成員,就香港問題「交換意見」。

被批做戲圖撈政治本錢

民建聯立法會議員陳恒鑾在接受香港文匯報訪問時質疑,包括公民黨在內的反對派,此前才為「香港民族黨」召集人陳浩天、「香港眾志」秘書長黃之鋒等乞求美國制裁香港的行

動「打氣」,現在又聲言要向美國「爭取」維持香港獨立關稅區地位,若非做戲,就是以「爭取」的名義,繼續抹黑香港。

立法會旅遊界議員姚思榮則表示,希望反對派議員是真心誠意地要為早前唱衰香港,導致美國可能乘機借香港打擊中國的行為作出補救,但擔心他們屆時會以批評特區政府以至中央政府的政策,作為乞求美國維持香港特區獨立關稅地位的手段,屆時或會弄巧反拙。

口稱檢討大搞清算 反對派狂咬自己人

網議政事

「宇宙唯一民主派」李呢人(李卓人)係九西補選輸咗,反對派同建制派嘅差距由「3·11」補選嘅2,000票擴大到成萬三票,之但係佢咁好似未醒醒咁,仲未識自我反省,到呢一刻都仲起勢咁搵人祭旗,首當其衝當然係加埋李呢人啲票都唔夠陳凱欣抽嘅老馮(馮檢基)啦,而叫人唔好賴老馮嘅反對派中人亦都被片到體無完膚。好似學聯前秘書長周永康同前副秘書長岑敖暉pair人,「幫」老馮講咗幾句好說話,就俾學聯老鬼廢陶(陶君行)翻舊賬,話佢哋搞散學聯。反對派嘅所謂「檢討」,都只不過係口號嘍嘍。有人就覺得佢兩個同埋其他「幫」過老馮嘅反對派中人,不過係逐啲逐啲嚟返反對派個「貞節牌坊」,小罵大幫忙啫!

香港文匯報記者 陳庭佳

仲點緊票嗰陣,身處外地嘅周永康亦都湊熱鬧,喺facebook出咗個po(帖文)隔岸觀火,講到明「不要×票黨」同「不要鏢票論」,仲話今次如果係「Plan A」小麗老千(劉小麗)去選都唔見得會贏,即使係「本土民主前線」「獨琦」(梁天琦)去馬都未必吸到「×票」嘅反對派選民支持,「其實我哋×夠未?奚落夠未?」

周永康岑敖暉小罵大幫忙

岑敖暉亦都叫反對派唔好搵老馮嘅嘍,「好似上次(『3·11』補選)咁,繼續搵野賴,賴(馮檢基)基賴天賴地,見葉不見樹林,下次下次,也會一樣」,仲警告反對派自「佔中」之後已經無咗共同目標,加上「DQ」事件搞到失票嘍,「2020年(立法會選舉)其實會燒得更旺,情況大有可能比今天、『3·11』更糟糕。」


仇思達質疑同「蘋果」夾埋

唔知係咪收到「有關方面」嘅「午夜兇鈴」啦,結果出咗之後,呢pair人嘅反應180度轉變。兩粒鐘

之前仲講緊「不要×票黨」嘅周永康,就大篇質疑老馮敗選之後嘅嘍,特別係如果反對派再民主主便就會再出嚟挑戰呢句:「我心裡面好想問,作為(前)『民主派』成員,但點睇『民主派』失去議會否決權?一直被認為是反對派關鍵的唯一制衡權力?係咪基哥都認同嘅家香港係有自由民主不受干預的選舉?所以最重要是內部民主機制?」

反對派喉舌《蘋果日報》都有報導岑敖暉叫人唔好賴老馮,「無敵神駒」仇思達就覺得佢哋pair同《蘋果》已經夾晒口供:「牠基賴天賴地,見葉不見樹林,下次下次,也會一樣」,仲警告反對派自「佔中」之後已經無咗共同目標,加上「DQ」事件搞到失票嘍,「2020年(立法會選舉)其實會燒得更旺,情況大有可能比今天、『3·11』更糟糕。」

反對派入面亦都冇人擺明唔妥佢兩個。廢陶大前晚嘅網台《香港花



岑敖暉小罵大幫忙,叫人唔好再賴老馮啫。fb截圖



「神駒」踢爆周永康同岑敖暉講「公道話」只係幫反對派止血。fb截圖

生》節目入面,就響晒咁咁鬧佢兩個,仲數到去大前年退聯潮,質疑佢兩個無好處理,「呢條嘅仔(岑敖暉),你同周永康一咋人,已經搞散咗我哋60年嘅學聯,啲條數都未同你計!」

講「鏢票」老馮先係自己人

自稱已淡出政界、專心從商嘅「人民力量」前主席袁彌明,就喺岑敖暉個facebook度同「傘後團體」

「西環飛躍動力」召集人葉錦龍唱雙簧。袁彌明質疑李呢人話自己輸全因為政府、建制派、老馮等等,自己就毫無責任。葉錦龍就話反對派明明本身有好多資源可以共用,「偏偏大家為選舉,就要自己人打自己人。」

袁彌明之後加把口,話反對派講「鏢票論」嘲陣,老馮就係「自己人」,葉錦龍就補埋下一句:「到換屆選舉時又不是同路人了。」

被廢陶細良話係鬼 杜汶澤爆粗要殺人



特稿

廢陶喺大前晚個網台節目度辣着咗好多人,除咗周永康同岑敖暉外,仲有出名口沒遮攔嘅「本土派」藝人杜汶澤。話說節目入面開出「新東補選杜汶澤對長毛」呢個盤口,廢陶就指如果杜汶澤去馬係「老共」嘅主意,但只係收錢做嘢,因為佢老婆田蕊妮內地有大把工作。杜汶澤個大爆發,爆粗話要「打×死」廢陶同另外兩個主持,叫佢哋報定警咁話,但好似係刑恐嚇嘍嘍阿杜生?

聲言挑機長毛被指「鏢票」

杜汶澤呢個名首先係由「時評人」自居嘅陶細良提起來,當時佢提到如果杜汶澤新東補選去馬,對惹杜連「長毛」梁國雄,相信唔少反對派選民會投票前者,甚至會由前者贏,而「佔中十死士」之一嘅徐少驊就抽水:「到時長毛應該『鏢』到啲票嘍,咁嘅處境唔係長毛『鏢票』?到時長毛做咗『鏢票基』!」

一輪嬉笑之後,同長毛同黨嘅廢陶就一臉正經咁要「踢爆」杜汶澤,話對方突然問咁「本土」、咁「反共」,但好似仲繼續有人搵佢做嘢,仲提田蕊妮內地有大把工作,「奇怪嘍,無理由唔殺你嗎?有殺錯無放過。你杜汶澤咁聽嘍,你老婆大陸又有電視劇、又有廣告接,你杜汶澤可以喺度嗶嗶嗶、繼續發瘋?」

杜汶澤facebook出咗個po(帖文)大大聲鬧佢三隻嘢:「你三條死咖哩啡,比(俾)我見到你三個我唔打你老母臭×打×到你跪嗰度求救我唔姓杜!我生平×憎人屈×我!咁多人唔惹你走嚟惹我?仲要講理我老婆?你未×死過!」

杜汶澤選輸唔檢討仲賴人

廢陶指佢收錢做嘢,杜汶澤鬧佢「死窮×」、「白癡腦」,永遠諗人地收錢做嘢,「我唔係好×有錢,但係肯定有錢過你三個、加埋,仲鬧埋反對派永遠過人,唔識自我檢討,『所有』『泛民』嘅支持者都畀(俾)你哋××走晒咗,仲要死不悔改就抵×你哋死!」最後佢更叫三隻野快啲報定警咁話,因為一定會打死佢哋。

杜汶澤選輸,但咁公開講到要打死人,似乎係刑恐嚇嘍嘍嗎?仲有,成個po都係「十八禁」,三句唔理兩句問候令壽堂,真係好似周星馳嘅《功夫》入面咁:你究竟想毆佢本人定毆佢老母嘍?你搞到我好亂呀!

「無敵神駒」仇思達就留言踐杜汶澤唔抵,話對方明明無對選舉表達過咩意見,都仲要俾反對派清算,「『泛民』不知愧恥,毫不反省,還要誣過於人,兼誣生豬肉,發神經!」杜汶澤就繼續鬧醉自己副身家度:「我一個月搵幾×多錢啊,我同你班×街走去手嘍98,000(指立法會議員每月酬金,實為約96,000)??」

工聯會立法會議員陸頌雄亦都出咗個生po,幅圖仲好貼心咁用表情符號遮晒杜汶澤啲粗口(上圖)。香港文匯報記者 陳庭佳

余若薇鬧長毛不受控 選新東恐輸多劑

今日之星

喂阿哥,又要補選咩?反對派唔啱先係九西補選香咩,雖然之後有可能係新東舉行嘅補選,都唔可以改變今屆立法會建制派嘅地區直選同功能組別都有優勢嘅事實,之不過為咗嗰份優厚薪金,佢哋都係對呢個缺血視咁,當然包括以為個位鑲咗佢個名嘅社民連「長毛」梁國雄。不過,公民黨前黨魁余若薇就兜盆冷水照頭淋,話長毛已經不受控制,搵佢選時令反對派連香三鑊。喂?唔通密謀換人?

幫李卓人拉票變趕票

喺李呢人(李卓人)參選立法會九龍西補選時,自覺高高在上嘅長毛,就經常同拒絕支持李呢人嘅年輕網民鬧。如果鬧得有point嘅嘍又無妨呀,當係切磋商,但長毛就淨係識語無倫次,鬧人嘅嘍句包括:「我×你班蛤蟆呀!你有嘍?我唔要呀!」「除咗嗰度打飛機之外,你班蛤蟆仲識做乜?」名副其實幫李呢人趕客。

喺李呢人輸咗之後,成班反對派大佬都叫做假惺惺做做戲話要道歉呀、檢討呀,仲出口語話要拉「港獨」分子嘍票。但長毛就繼續話你,公開話「老實講我唔係

好想道歉,仲寸班「焦土派」:「覺得輸咗個選舉好嘍,咁我有咩辦法?」日前,「社區前進」成員、預備出嚟參加出年區選嘅林兆彬,同長毛合作做網台節目時,就因為叫長毛唔好再「×票」,而俾對方狂鬧成6分鐘,其間林兆彬成隻鶴鴨咁,如果段片俾人喺區議會選舉期間放上網,咁就好笑囉。

可能想盡早搞走呢位「政治負資產」同豬隊友,余若薇前日就上咗親反對派傳媒人李慧玲主持嘅網台節目,話自己擔心如果喺前年新東補選投票界「本土民主前線」前發言人「獨」琦(梁天琦)嘅6萬個選民,不滿意「老泛民」或者長毛,當長毛出選新東補選,呢批選民就會玩「焦土」唔投票,到時反對派輸理都未定。

佢又話長毛已經不受控制,好似工黨上星期五開記招幫李呢人告急,長毛就話唔應該告急,當反對派全部人希望團結一致,表達同一信息嘅時候,長毛就有自己嘅信息。

撩交嗌辣漿「本土派」

李慧玲就話,當主流反對派選完之後就住點同「本土派」傾合作,長毛都係同「本土派」撩交嗌,如果仲係維持咁嘍狀



神駒捍衛長毛出選權,都要對方受先得啫! fb圖片

態,長毛去馬新東補選,「本土派」嘅年輕支持者投唔投佢係好大概隱憂。

「同一信息」?乜民主唔係應該和而不同嘅咩?成日同長毛隔空開拖嘅「無敵神駒」仇思達,今次就揸對方嘍:「余若薇大律師又鬼拍後尾枕!原來『泛民』係唔可以有自由意志,講乜都要受到大台控制同規範嘍,咁完全係違反民主。今次我揸『×票黨』呀!唔該『泛民』尊重政治倫理,唔好打壓雄仔。堅決捍衛梁國雄出戰新東補選權利!」

神駒伸晒嘍枝,都要長毛肯收先得啫!不過長毛之前講過「本土派」界票佢都唔要,睇佢都係一嚟撥開人哋定啫!

香港文匯報記者 陳庭佳

傳撈撲殺流浪動物 陳凱欣批失實抹黑

香港文匯報訊(記者 鄭治祖)代表反對派參選的工黨李卓人在立法會九龍西補選中落敗後,各反對派中人在不斷「清算」的同時,仍繼續抹黑當選的陳凱欣。近日,網上流傳一則稱為「陳凱欣支持撈撲殺流浪動物」的帖子。陳凱欣昨日在facebook專頁批評有關言論失實,並透露自己在17年前就收養過一頭流浪狗,「不論是以前、現在及將來,本人一直關注動物權益,未來在議會內亦會堅持繼續為動物發聲。」

陳凱欣收養的流浪狗 Lucky, 曾陪伴她15個年頭



陳凱欣收養的流浪狗 Lucky, 曾陪伴她15個年頭。fb圖片

一個名為「愛動物 零虐畜」的fb專頁,在選舉投票當日(25日)發帖,聲稱有「多年來餵養流浪動物的義工」曾向陳凱欣提問對動物權益的立場,包括是否支持成立動物警察、反對撥款漁護署撲殺動物等,但對方當時「嘴臉一臉不屑」。

該帖更聲言,陳凱欣當時以「不耐煩的口吻」地回答,稱漁護署的處理手法自有其道理,倘流浪動物過多,「味要(殺)囉!」

雖然選舉已經結束,但該帖子繼續在反對派各專頁流傳。陳凱欣昨日在fb專頁回應,批評有關言論失實、抹黑、誣毀,並嚴重影響她的個人聲譽,「有關對話內容純屬虛構,現實中從未發生。」

曾收養流浪狗15年

她強調,自己一直關注動物權益,並舉17年前家中所收養的流浪狗 Lucky 為例,指即使 Lucky 身體有殘障,全家人都不離不棄,用愛心與關懷陪牠走過每一段路。

陳凱欣說, Lucky 陪伴她15個年頭,「走過人生多個重要階段,去戰地前的送行、結婚及生兒,每個片段至今仍歷歷在目。Lucky 走後,本人的女兒仍然時刻掛念牠,經常憑畫寄意,繼續以此懷念 Lucky。」

她強調,無論是以前、現在及將來,自己一直關注動物權益,未來在議會內亦會堅持繼續為動物發聲。至於有關指控,純屬無中生有,絕非事實,「希望有關人士自重,停止抹黑!」